

Uunga siunnersuut: Meeqjanut atuartunut perorsaanikkut inerikkiartuutaasunik sunngiffimmi neqeroorutit pillugit Inatsisartut inatsisaat nr. xx, xx. xxx 2017-imeersoq

Kapitali 1

Atuuffia

§ 1. Inatsisartut inatsisaat una atuuppoq, perorsaanikkut inerikkiartuutaasunik meeqjanut arfinilinnit aqqaneq-marlunnik ukiulinnut sunngiffimmi neqeroorutinut, piffissani, meeqqat atuarfiat pillugu Inatsisartut inatsisaat, imaluunniit tunngaviusumik atuarfiit namminersortitat angerlarsimaffimmilu atuartitsineq il.il. pillugit Inatsisartut inatsisaat naapertorlugit meeqqat atuartinneqarfiginngisaanni.

Imm. 2. Perorsaanikkut inerikkiartuutaasunik sunngiffimmi neqeroorutit neqeroorutigineqarsinnaapput, perorsaanikkut inerikkiartuutaasunik paarsisarnermik ingerlatsivissatut, tak. § 14, aamma allatigut perorsaanikkut inerikkiartuutaasutut sunngiffimmi neqeroorutitut, tak. § 18.

Imm. 3. Paarsisarnermik aaqqissuussinermiit atualernissamut ikaarsaartarneq oqinnerulersinniarlugu, perorsaanikkut inerikkiartuutaasunik sunngiffimmi neqeroorutit inatsit una naapertorlugu neqeroorutigineqarsinnaapput meeqjanut suli atualinngitsunut, atualernissaq ukiup affaa angullugu sioqqullugu, tamatumani aammattaaq ilanngullugit meeqqat suli 6-nik ukioqalinngitsut.

Kapitali 2

Akisussaaffik aamma aaqqissuussaaneq

Qitiusumi akisussaaffik

§ 2. Inatsisartut inatsisaat naapertorlugu, aamma malittarisassat taanna naapertorlugu suliaasut naapertorlugit kommunalbestyrelsip pisussaaffiminik maleruaanerannik Naalakkersuisut nakkutilliisuupput.

Imm. 2. Naalakkersuisut kommunalbestyrelsi paassisutissanik, Inatsisartut inatsisaat naapertorlugu suliassat isumaginissaannut pisariaqartutut isigineqartunik, tunniussaqaqqullugu piumaffigisinnaavaat.

Sumiiffinni ataasiakkaani akisussaaffik

§ 3. Kommunalbestyrelsip akisussaaffigaa, perorsaanikkut inerikkiartuutaasunik sunngiffimmi neqeroorutit Inatsisartut inatsisaat una naapertorlugu ingerlanneqartarnissaat.

Imm. 2. Kommunalbestyrelsip aalajangersartarpai tamanullu saqqummiullugit sunngiffimmi neqeroorutinut ataasiakkaanut pilersaarutit, anguniakkat aamma sinaakkutissat, tamatumunnga ilanngullugit sunngiffimmi neqeroorutinut tunngatillugu aningaasaqarnikkut sinaakkutissat.

Imm. 3. Pilersaarutit, anguniakkat aamma sinaakkutissat imm. 2-mi taaneqartut imarisassaat ilusissaallu pillugit Naalakkersuisut malittarisassanik aalajangersaasinnaapput.

§ 4. Perorsaanikkut inerikkiartuutaasunik sunngiffimmi neqeroorutit neqeroorutigineqarsinnaapput kommunimit, imaluunniit ingerlatsivimmit imminut pigisumit, imaluunniit ingerlatsivimmit namminersortumit communalbestyrelsip ingerlatsinissamik isumaqatigiissuteqarfigisinnaasaanit.

Imm. 2. Perorsaanikkut inerikkiartuutaasunik sunngiffimmi neqeroorutit pillugit takussutissiat, communalbestyrelsip kommunip nittartagaatigut tamanut saqqummiutissavai.

§ 5. Kommunalbestyrelsip Inatsisartut inatsisaat una naapertorlugu pisussaaffini naammassisinnaajumallugit, init naapertuuttut atugassarititaasullu tigussaasut allat atugassanngortittassavai.

Imm. 2. Kommunalbestyrelsip imm. 1 naapertorlugu ininik naapertuuttunik aamma atugassarititaasunik tigussaasunik allanik pisussaaffii pillugit Naalakkersuisut malittarisassanik aalajangersaasinjaapput.

§ 6. Kommunalbestyrelsi Inatsisartut inatsisaat una naapertorlugu pisussaaffimminik naammassinninniarnermini:

- 1) ininik naapertuuttunik allatigullu atugassarititaasunik tigussaasunik pissarsiniarnermi peqataasinjaavoq, aammalu init naleqquuttut atugassarititaasullu allat ingerlatsivinnit imminut pigisunit imaluunniit namminersortunit perorsaanikkut inerikkiartuutaasunik neqeroorutinut atorneqartut ingerlannerinut aningaasartuutinut tapiissuteqarsinnaalluni, aamma
- 2) perorsaanikkut inerikkiartuutaasunik sunngiffimmi neqeroorutinut allatigut aningaasaqarnikkut tapiissuteqarsinnaalluni.

§ 7. Kommunalbestyrelsi nalinginnaasumik perorsaanermullu tunngatillugu, kommunimi perorsaanikkut inerikkiartuutaasunik sunngiffimmi neqeroorutinik nakkutilliisuovoq.

Imm. 2. Nakkutilliinermut ilaapput neqeroorutaasut imarisaat, aamma periaatsit sulianik ingerlatsinerni atorneqartut, tamatumunnga ilanngullugit pilersaarutit, anguniakkat aamma sinaakkutissat, § 3, imm. 2 naapertorlugu aalajangersagaasut malinneqarneri.

Kapitali 3

Sulisut

§ 8. Kommunalbestyrelsip kommunimi perorsaanikkut inerikkiartuutaasunik sunngiffimmi neqeroorutini sulisut atorfinitstarpai soraarsittarlugillu, tamatumunnga ilanngullugu pisortaq, sunngiffimmi neqeroorutit isumannaatsumik malittarisassallu atuuttut naapertorlugit perorsaanikkut allaffissornikkullu ingerlanneqarnerinut akisussaasusoq.

Imm. 2. Ingerlatsiviit imminnut pigisut aamma namminersortut, perorsaanikkut inerikkiartuutaasunik sunngiffimmi neqerooruteqartartut, sulisussatik nammineq atorfinitstarpaat.

Imm. 3. Kommunalbestyrelsip qularnaassavaa, sunngiffimmi neqeroorutini sulisut, meeqqat atuarfiat sioqqullugu aamma atuarfimmi tunngaviusumi nukissatigut sillimmatinik sunniuteqarluartumik sapinngisamik annertunerpaamik atuinissamut tapertaanissaat.

Imm. 4. Perorsaanikkut inerikkiartuutaasunik sunngiffimmi neqeroorutit pisortaata pissutsit sulisoqarnermut tunngasut akisussaaffigai, tamatumunnga ilangullugit communalbestyrelsip imm. 3 naapertorlugu pisussaaffisa maleruarneqarnissaat, akisussaaffigalugulu perorsaanikkut ukiumoortumik pilersaarusiornissaq aamma sunngiffimmi neqeroorutinut missingersuusioritarneq.

Imm. 5. Sunngiffimmi neqeroorutinut kommunip ingerlassaanut aamma sunngiffimmi neqeroorutinut communalbestyrelsip ingerlatsinissamik isumaqtigisimasaanut, communalbestyrelsip malitassatut aalajangersagai naapertorlugit missingersuusiorqartassaaq.

§ 9. Perorsaanikkut inerikkiartuutaasunik paarsisarnermik neqeroorutini sulisut amerlassusissaattut akuerisaq tassaavoq, paarsisarfimmi sulisumut ataatsimut anerpaamik meeqqat 12.

Imm. 2. Naalakkersuisut perorsaanikkut inerikkiartuutaasunik sunngiffimmi neqeroorutit aqunneqarnerat aamma allaffissornikkut ingerlatsinerat pillugu malittarisassanik aalajangersaasinnaapput, tamatumunnga ilangullugit piginnaasatigut piumasaqaatit sulisullu amerlassusissaat.

Kapitali 4

Ilaalerneq aamma peqataajunnaarneq il.il.

§ 10. Perorsaanikkut inerikkiartuutaasunik sunngiffimmi neqeroorummi kommunimit ingerlanneqartumi aamma perorsaanikkut inerikkiartuutaasunik sunngiffimmi neqeroorummi imminut pigisumi ilaalersinnaaneq pillugu communalbestyrelsi aalajangiisssaaq.

Imm. 2. Kommunalbestyrelsi aalajangiisinnaavoq, perorsaanikkut inerikkiartuutaasunik sunngiffimmi neqeroorut imminut pigisoq, perorsaanikkut inerikkiartuutaasunik sunngiffimmi neqeroorummi ilaalersinnaaneq pillugu tamakiisumik ilaannakortumilluunniit nammineerluni aalajangiisassasoq.

Imm. 3. Perorsaanikkut inerikkiartuutaasunik sunngiffimmi neqeroorutit namminersortut, perorsaanikkut inerikkiartuutaasunik sunngiffimmi neqeroorummut namminersortumut ilaalersinnaaneq namminneq aalajangertarpaat.

§ 11. Kommunalbestyrelsip meeqqanik kommunimi sunngiffimmi neqeroorutini aamma sunngiffimmi neqeroorutini imminut pigisuni ilaalersinnaanermut tunaartarisassat aalajangersartassavai tamanullu saqqummiullugit. Angajoqqaat meeqqamik sunngiffimmi neqeroorummut aalajangersimasumut ilaalernissaannik kissaatigisamik saqqummiunnissaannut periarfissaqassapput.

Imm. 2. Perorsaanikkut inerikkiartuutaasunik sunngiffimmi neqeroorutit imminut pigisut ilaalersitsinissamut piginnaatitaasut, tak. § 10, imm. 2, meeqqat perorsaanikkut

inerikkiartuutaasunik sunngiffimmi neqeroorutinut ilaalersinnaanerannut tunaartarisassat aalajangersartassavaat tamanullu saqqummiullugit.

Imm. 3. Perorsaanikkut inerikkiartuutaasunik sunngiffimmi neqeroorutit namminersortut, meeqqat sunngiffimmi neqeroorutinut ilaalersinnaanerannut tunaartarisassat aalajangersartassavaat tamanullu saqqummiullugit.

Imm. 4. Perorsaanikkut inerikkiartuutaasunik sunngiffimmi neqeroorutit namminersortut, taamaallaat meeqqat ilaalersinnaanerat itigartissinnaavaat sunngiffimmi neqeroorummi inissaqanngippat.

§ 12. Kommunalbestyrelsip meeqqat kommunimi perorsaanikkut inerikkiartuutaasunik sunngiffimmi neqeroorummi imaluunniit perorsaanikkut inerikkiartuutaasunik sunngiffimmi neqeroorummi imminut pigisumi ilaasut peqataajunnaarsissinnaanngilai, communalbestyrelsi sunngiffimmi neqeroorummik assingusumik allatulluunniit sunngiffimmi neqeroorummik naapertuuttumik neqerooruteqanngikkuni.

Imm. 2. Perorsaanikkut inerikkiartuutaasunik sunngiffimmi neqeroorutit namminersortut, sunngiffimmi neqeroorummmit namminersortumit meeqqanik peqataajunnaarsitsisinnaanngillat, immikkut illuinnartumik pisoqarsimanngippat.

Imm. 3. Kommunalbestyrelsip kommunip perorsaanikkut inerikkiartuutaasunik neqeroorutaani aamma perorsaanikkut inerikkiartuutaasunik neqeroorutini imminut pigisuni meeqqanik peqataajunnaarsitsinssamut tunaartarisassat aalajangersassavai tamanullu saqqummiullugit.

Imm. 4. Perorsaanikkut inerikkiartuutaasunik neqeroorutit namminersortut meeqqanik perorsaanikkut inerikkiartuutaasunik neqeroorutinit namminersortunit peqataajunnaarsitsinssamut tunaartarisassat aalajangersassavaat tamanullu saqqummiullugit.

§ 13. Meeqqap perorsaanikkut inerikkiartuutaasunik sunngiffimmi neqeroorummii neqeroorummumut allamut ikaarsaernerani, tak. § 12, imm. 1, neqeroorummik qimanneqartumi sulisut suleqataassapput, meerarlu pillugu paassisutissat naapertuuttut ingerlatsivimmumt nuuffiusumut ingerlateqqissallugit, meeqqap imaluunniit inuuusuttup pisariaqartitaanik isumaginninnissamut atugassatut.

Imm. 2. Naalakkersuisut imm. 1 naapertorlugu paassisutissanik naapertuuttunik ingerlatitseqittarneq pillugu malittarisassanik aalajangersaasinnaapput.

Kapitali 5

Perorsaanikkut inerikkiartuutaasunik paarsisarnermik neqeroorutit pillugit nalinginnaasut

Siunertaq aamma aaqqissuussineq

§ 14. Perorsaanikkut inerikkiartuutaasunik paarsisarnermik neqeroorutit perorsaanikkut, inooqatigiissutsikkut paarsinikkullu siunertaqassapput.

Imm. 2. Perorsaanikkut inerikkiartuutaasunik paarsisarnermik neqeroorutit aaqqissunneqassapput, meeqqap takorluuisinnaassusianik, pilersitsisinnaassusianik, inerikkiartornissaanik ilutigisaanillu inooqatigiissutsikkut naliginnaasumillu pisinnaasaasa

inerisarnissaannut kaammattuutaasunik, misigisassaqtinnissaata aamma sammisassaqartinnissaata periarfissaqartinnissaa siunertaralugit. Ilutigisaanik paarsisarnermi neqeroorutit, atuarfiup ilinniartitsinerata aamma paarsisarnermik neqeroorutip perorsaanikkut imarisaasa ataqtigisiinissaannut peqataassapput.

Imm. 3. Paarsisarnermik neqeroorutip aaqqissuunnerani, meeqqat ineriarornerannut inooqatigiissutsikkulluunniit ajornartorsiutaannut tunngatillugu, meeqqat ataasiakkaat pisariaqartitarisinnaasaasa immikkut suliniuteqarfigineqarnissaat sapinngisamik annertunerpaaamik isiginiarneqassapput.

Imm. 4. Paarsisarnermik neqeroorutip aaqqissuunnissaannut atugassatut, aamma immikkut suliniuteqartoqarnissaanik pisariaqartitsisoqarsinnaaneranut naleqqiullugu, pilertortumik suliniuteqarnissamut tunngavissiinissaq siunertaralugu, paarsisarnermik neqeroorutip meeqqat ataasiakkaat atuartutut mappii atorsinnaavai, tak. Inatsisartut atuarfik pillugu inatsisaat, aamma atuarfik paarsisarnermik neqeroorummit paasissutissanik pissarsisinnaavoq.

Avatangiisinut piumasaqaatit

§ 15. Perorsaanikkut inerikkiartuutaasunik paarsisarnermik neqeroorutini avatangiisit meeqqat aamma sulisut pisariaqartitsinerinut naleqqussagaassapput, oqartussanillu susassaqtunit aamma kommunalbestyrelsimit paarsisarnermik neqeroorutinik akuersissutilu pisariaqartut pigineqarnerannik nakkutiliisuusumit akuerisaassallutik, illut atorneqartussat nutaamik sanaartukkatut, allanngortitikkatut aamma allilikkatut atorneqalertinnagit.

Imm. 2. Kommunalbestyrelsip nakkutigissavaa paarsisarnermik neqeroorutit avatangiisaasa inatsisit sukkulluunniit atuuttut naapertorlugit aaqqissuussaanissaat.

Imm. 3. Naalakkersuisut paarsisarnermik aaqqissuussinerit pilersinneqartarnerat aaqqissunneqartarnerilu pillugit malittarisassanik aalajangersaasinnaapput.

Akuerisaanermut upternarsaat aamma anguniakkat imarititallu allaaserinerat

§ 16. Perorsaanikkut inerikkiartuutaasunik paarsisarnermik neqeroorutit tamarmik kommunalbestyrelsimit suliaasumik akuerisaanermut upternarsateqassapput, paarsisarnermik neqeroorutip pisortaanit ingerlatsivimmi ersittumut inissinneqartussamik.

Imm. 2. Akuerisaanermut upternarsaat paasissutissanik makkuninnga imaqassaaq:

- 1) Paarsisarnermik neqeroorutip aqqa, najugaa aamma inissisimaffia.
- 2) Paarsisarnermik neqeroorutip perorsaanikkut anguniagai aamma imarisaasa allaaserinerat, tamatumunnga ilanggullugu meeqqanik isiginneriaasia.
- 3) Kommunimi ataatsimiitaliaq suliami susassaqartoq, imaluunniit ingerlatsiviup imminut pigisup namminersortulluunniit qullersaasumik aqutsisui.
- 4) Paarsisarnermik neqeroorutip ulluinnarni pisortaa.
- 5) Sulisut amerlassusiat.
- 6) Inissat amerlassusiat.
- 7) Ukiqatigiaanut sorlernut neqeroorut saaffiginnittuunersoq.
- 8) Piffissat ammasarfiiit.
- 9) Pisortanit susassaqtunit akuersissutit, tamatumunnga ilanggullugit qatserisartunit, sanaartornermut oqartussanit aamma kommunalbestyrelsimit, taakkulu ullulerneqarneri.

10) Suliassaqfimmut inatsisit tunngavigisat naapertuuttut pillugit paasissutissat.

§ 17. Anguniakkat aamma imarisaasa allaaserineqarneranni, tak. § 16, imm. 2, nr. 2, nalunaarneqassaaq ataatsimut isigalugu paarsisarnermik neqeroorummum perorsaanikkut anguniakkat suut aalajangiunneqarsimanersut, aammalu paarsisarnermik neqeroorutip perorsaanikkut sammisaqartitsisarnernut pingaarnertut sinaakkutigisaasa nalunaarsorneri imaritinneqassallutik.

Imm. 2. Anguniakkat imarisaasalu allaaserineqarneranni minnerpaatut ersissaaq, qanoq annertutigisumik aamma qanoq aaqqissuussilluni perorsaanikkut inerikkiartuutaasunik neqeroorut:

- 1) ilinniagassat suliarinissaannut ikorsiisarnermik neqerooruteqarnersoq,
- 2) meeqqanut immikkut pisariaqartitsisunut, immikkut piginnaanilinnut il.il. tapersersuinernik unammilligassaqartitsinernilluunniit anguniagalinnik suliniuteqarnersoq,
- 3) timimut, aalasarnermut ulluinnarnilu peqqissutsimut tunngasutigut ingerlatsinerit ilaatinneqarnersut, tamatumunnga ilanngullugu qanoq annertutigisumik timersoqatigiiffit assigisaasalu suleqatigineqarnerat, aamma
- 4) meeqqat paarsisarnermik neqeroorumi sammisanut oqartussaaqataanissaat qularnaarniarlugu, sammisassat inersimasut aaqqissuussaasa meeqqallu namminneq toqqagaasa oqimaaqatigiinnissaat pillugu eqqarsaatersuutinik imaqarnersoq.

Imm. 3. Perorsaanikkut inerikkiartuutaasunik paarsisarnermik neqeroorummum meeqqat suli atualersimanngitsut ilaappata, anguniakkat aamma imarisaasa allaaserineqarneranni nalunaarneqassaaq, qanoq iliorluni paarsisarnermik neqeroorumi meeqqat ukiukinnerusut immikkut pisariaqartitaat isumagineqartarnersut, qanorlu annertutigisumik ingerlatsinerit taamaattut, meeqqat pineqartut atuarnerminnik aallartitsilluarnissaannut tapertaanersut.

Kapitali 6

Perorsaanikkut inerikkiartuutaasunik sunngiffimmi neqeroorutit allat

§ 18. Kommunalbestyrelsi meeqqanut atuartunut perorsaanikkut inerikkiartuutaasunik sunngiffimmi neqeroorutinik allanik innersuussaqarsinnaavoq, sumiiffinni ataasiakkaani kissaatit pisariaqartitallu tunngavigalugit. Perorsaanikkut inerikkiartuutaasunik sunngiffimmi neqeroorutinut allanut peqataanermut akiliuteqartoqarnissaanik piumasaqartoqarsinnaanngilaq.

Imm. 2. Perorsaanikkut inerikkiartuutaasunik sunngiffimmi neqeroorutit allat tassaapput piffissap ilaannaani neqeroorutit, meeqqanut atuartunut, inersimasumik ilaqartunut naatsorsuussat, meeqqap ineriantornermini pisariaqartitsivianut ataatsimut arlalinnulluunniit naleqqiullugu anguniagalinnik sammisaqartitsiviusut.

Imm. 3. Perorsaanikkut inerikkiartuutaasunik sunngiffimmi neqeroorutit allat, meeqqap takorluuisinnaassusianik, pilersitsisinnaassusianik, ineriantorneranik ilutigisaanillu meeqqap inooqatigiissutsikkut nalinginnaasumillu pisinnaasanik pigisaqalerlunilu inerisaanissaanik kaammattuutaasunik, misigisaqarnissamik sammisaqarnissamillu periarfissaqarnissaa siunertalaralugit aaqqissuunneqartassapput.

Kapitali 7

Aningaasalersuineq

§ 19. Kommunimi perorsaanikkut inerikkiartuutaasunik paarsisarnermik neqeroorutit atorneqartarput tamatumunnga akiliuteqartarnikkut (nammineq akiliut), taamaattoq tak. imm. 4-5.

Imm. 2. Kommunimi perorsaanikkut inerikkiartuutaasunik paarsisarnermik neqeroorutit atornerinut nammineq akiliutip annertussusissaa aalajangersarneqartarpooq, kommunip paarsisarnermik neqeroorutip ingerlanneranut, ilanngaatissat suli ilanngaannagit, agguaqatigiissillugu aningaasartutissatut missingersuusiai, aamma akiliisussaatitaasup imaluunniit akiliisussaatitaasut aningaasaqarnikkut atugarisaat tunngavigalugit.

Imm. 3. Kommunalbestyrelsi kommunimi illoqarfinni nunaqarfinnilu akiliutaasussat annertussusissaat assigiinngitsuutillugu aalajangersaasinnaavoq. Taamaattoq illoqarfimmi ataatsimi akiliutaasussaq ingerlatsivikkaartumik annertussusilerneqarsinnaanngilaq.

Imm. 4. Kommunalbestyrelsi nammineq akiliutissap apparnissaanut tapiissuteqartarpooq. Kommunalbestyrelsip tapiissutaa tunniunneqartassaaq assigiimmik annertussusilerlugu, perorsaanikkut inerikkiartuutaasunik paarsisarnermik neqeroorut qanoq-ittorluunniit atorneqaraluarpat.

Imm. 5. Naalakkersuisut communalbestyrelsit tamanna pillugu isumasioreerlugit, perorsaanikkut inerikkiartuutaasunik paarsisarnernut kommunip ingerlataannut, perorsaanikkut inerikkiartuutaasunik paarsisarnernut imminnut pigisunut aamma namminersortunut meeqqat peqataanerannut akiliutaasussat pillugit malittarisassat aalajangersassavaat, tamatumunnga ilanngullugit isertitat naapertorlugit annertussusiliisarneq, nammineq akiliutissap apparnissaanut tapiissutissat, akiligassanik kinguaattoortoqartillugu meeqqap anisinnissaa, aamma perorsaanikkut inerikkiartuutaasunik paarsisarnernit kommunimit ingerlatanit, imminnut pigisunit namminersortunillu atuiunnaarnerit peqataajunnaarnissamillu nalunaartarnerit.

§ 20. Perorsaanikkut inerikkiartuutaasunik paarsisarnermik neqeroorutinik atuinermut akiliuteqartussatut pisussaavoq, meeqqap pilorsorneqarneranut akisussaasiusoq.

Imm. 2. Meeraq angajoqqaami arlaanni najugaqarpat, taannalu katissimappat, nalunaarsugaasumik aappaqarpat imaluunniit aappariinnermut assingusumik minnerpaamik ukiumik ataatsimik sivisussusilimmik inooqateqarpat, angajoqqaaq aapparisaalu, nalunaarsugaasumik aapparisaalu imaluunniit aalajangersimasumik inooqataalu tamarmik akiliuteqartarnermut pisussaaffeqartutut isigineqassapput.

Kapitali 8

Ataatsimut aalajangersakkat

Misileraalluni aaqqissuussinerit

§ 21. Naalakkersuisut communalbestyrelsimiit inassuteqartoqarnera tunngavigalugu
akuersisinnaapput, kommunimi perorsaanikkut inerikkiartuutaasunik sunngiffimmi
paarsisarnermik misileraalluni aaqqissuussisoqarnissaanut.

Imm. 2. Kommunimi misileraalluni aaqqissuussineq sivisunerpaaamik ukiuni 3-ni
atuussinnaavoq.

Imm. 3. Kommunimi misileraalluni aaqqissuussinermut atatillugu, tak. imm. 1, ukiut
tamaasa nalunaarusiortoqartassaaq Naalakkersuisunut nassiunneqartussamik.

Maalaaruteqartarneq

§ 22. Kommunalbestyrelsip Inatsisartut inatsisaat manna naapertorlugu aalajangerneri
imaluunniit malittarisassat Inatsisartut inatsisaannit tunngavilimmik suliasut naapertorlugit
aalajangerneri, allaffissornikkut oqartussanut allanut suliassanngortinneqarsinnaanngillat.

Atortuulersitsineq

§ 23. Inatsisartut inatsisaat atortuulerpoq ulloq 1. januar 2018.

Imm. 2. Ilutigisaanik atorunnaarsinneqarput:

- 1) Atuarfik pillugu Inatsisartut inatsisaanni nr. 15, 3. december 2012-imeersumi § 10, imm. 7,
- 2) Meeqcanut suli atualinnngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-imeersumi § 32, imm. 3, aamma
- 3) Kulturikkut ingerlatsineq sunngiffimilu sammisassaqtitsineq pillugit Inatsisartut inatsisaanni nr. 5, 6. juni 2012-imeersumi kapitali 5.

Namminersorlutik Oqartussat, ulloq xx. xx 2017.

Kim Kielsen